



COVID-19

Kev Npaj Rau Txoj Kev Phais Mob: Ntsuas Tus Kab Mob COVID-19

Thaum koj npaj rau kev phais mob hauv Children’s Minnesota, thov kom koj paub tias peb yuav ua txhua yam kom paub tseeb tias koj tus me nyuam yeej noj qab haus huv rau ib txoj kev phais mob. Cov me nyuam uas teem muaj sij hawm yuav phais yuav tsum tau ntsuas tus kab mob COVID-19 peb hnuv ua ntej hnuv yuav phais mob. Txoj kev ntsuas yuav pab rau txoj kev txiav txim txog lub sij hawm zoo tshaj plaws phais koj tus me nyuam. Yog tias koj tus me nyuam tsis tau kev ntsuas tus kab mob COVID-19, tej zaum yuav tau ncuva lub sij hawm phais mob.

Children’s Minnesota yuav hu tuaj teem caij ntsuas

Yuav tau teem ib lub sij hawm ntsuas tus kab mob COVID-19. Children’s Minnesota yuav hu tuaj teem lub sij hawm ntsuas kab mob tom qab teem tau lub sij hawm phais mob tag.

Peb pom zoo kom mus ntsuas tus kab mob ntawm Children’s Minnesota ib qho chaw tsav tsheb mus so qhov ntswg ntsuas kom peb tau cov ncauj lus ntsuas tau nyob rau ntawm peb thaum txog hnuv phais mob.

Cov sij hawm qhib ntawm qhov chaw so qhov ntswg ntsuas:
Monday txog Friday: 7:30 sawv ntxov–4 teev tav su

- **St. Paul Chaw So Qhov Ntswg Ntsuas ntawm lub tsheb kho mob**
233 Grand Avenue, St. Paul, MN 55102
Lub qhov rooj vag rau lub tiaj nres tsheb yog nyob ntawm txoj kev Thompson Street. Nrhiav lub tsheb npav muab kev kho mob nres hauv lub tiaj nres tsheb. [Saib daim duab key](#)
- **Minneapolis Chaw So Qhov Ntswg Ntsuas**
2545 Chicago Avenue South, Minneapolis, MN 55404
Tiaj nres tsheb ntawm Midtown Doctors Building [Saib daim duab key](#)



Cov lus qhia thaum koj tuaj txog:

Nres ntawm ib qho chaw nres tsheb cim nrog tus zauv uas muaj daim paib “Swab Center” (Chaw So Qhov Ntswg Ntsuas). Hu tus xov tooj ntawm daim paib:

- Minneapolis: 612-813-7787



COVID-19



- St. Paul: 651-220-7201

Ib tug kws kho mob yuav los rau ntawm koj lub tsheb thiab qhia tias yuav ua li cas.

- Cia koj tus me nyuam zaum twj ywm hauv nws lub rooj, los sis zaum sia siv twj ywm.
- Kom ntsuas tau tus kab mob COVID-19, yuav cev ib tug pas rwb ntev ntev mus rau hauv koj tus me nyuam lub qhov ntswg. Qhov kev so no yuav tsis tshua xis nyob rau koj tus me nyuam. Koj txav tau hauv koj lub tsheb mus ntxias kom koj tus me nyuam siab ntaug thiab zoo siab.
- Tom qab ntsuas tus kab mob COVID-19 tag, mus nyob twj ywm hauv tsev thiab txheeb xyuas txog cov kev mob tshwm sim ntawm tus kab mob COVID-19 kom pab tiv thaiv tau koj tus kheej, koj lub tsev neeg thiab koj lub zej zog. [Kawm ntxiv](#).

Cov kev ntsuas tus kab mob COVID-19 ntawm koj pom li cas

Yuav siv sij hawm ob peb hnuv thiaj li yuav qhia tau cov kev ntsuas pom li cas. Koj yuav tau txais ib tsab xov tooj hu tuaj qhia cov kauj ruam tom ntej raws li cov kev ntsuas pom.

Lwm cov kev ntsuas tus kab mob COVID-19

Peb nkag siab tias tej zaum Children's Minnesota cov chaw yuav tsis ua hauj lwm rau koj. Yog tias koj **tsis** mus ntsuas tus kab mob ntawm Children's Minnesota, koj yuav tsum nqa ib tsab ntawv luam qhia cov kev ntsuas tus kab COVID-19 li cas thaum hnuv koj tuaj phais mob.

Lwm cov kev ntsuas kab mob

Yuav tsum muaj cov kev ntsuas tus kab mob COVID-19 li 3 hnuv ua ntej phais mob. Qee cov chaw kho mob thiab lwm cov chaw ntsuas kab mob sab nraum Children's Minnesota yuav tsis muaj peev xwm ntsuas raws lub sij hawm ntawd, los sis muaj cov cuab yeej siv ntsuas tus kab mob COVID-19. Lwm cov chaw ntsuas kab mob muaj xws li:

- Koj lub thawj chaw kho mob: Nug seb koj puas teem tau lub sij hawm ntsuas tus kab mob COVID-19 thaum koj muaj kev ntsuas xyuas thiab tshuaj ntsuas thoob cev ua ntej yuav phais mob.
- Koj puas leej mus tau rau lwm qhov [chaw ntsuas kab mob](#). Yog lub chaw ntsuas kab mob xav tau, hu rau koj tus me nyuam tus thawj kws kho mob kom ua daim ntawv txib kom muaj txoj kev ntsuas tus kab mob COVID-19.
- Thov ua txhua yam kom tau txoj kev ntsuas tus kab mob COVID-19 ua ntej phais mob. Yog tus neeg mob tsis muaj peev xwm tau txoj kev ntsuas tus kab mob COVID/ntsuas pom li cas li 3 hnuv ua ntej hnuv yuav phais mob, tus neeg mob thiab lub tsev neeg **yuav tsum** tau nyob sib cais ntawm lwm cov neeg. Qhov ntawd txhais tau tias yog xyeej cov nram no: kev muaj neeg



COVID-19

tuaj xyuas, mus rau chaw zov me nyuam, mus ua hauj lwm, mus poo nrog laj mej pej xeeem tshwj tsis yog yeej tsim nyog kawg kiag, thiab tej yam li ntawd.

Cov tswv yim npaj rau txoj kev ntsuas tus kab mob COVID-19

- Yog ua tau, txwv kom muaj tsawg tus neeg nyob hauv tsheb nrog tus neeg tsav tsheb thiab tus me nyuam yuav mus so qhov ntswg ntsuas.
- Txhua tus neeg hauv lub tsheb yuav tsum zaum thiab sia siv twj ywm.
- Txhua tus muaj hnuv nyoog loj dua ob xyoos yuav tsum looj lub khwb ntsej muag hauv tsheb.
- Tus neeg ua hauj lwm ntawm lub chaw ntsuas yuav looj cov khoom tiv thaiv kom tiv thaiv tau koj lub tsev neeg thiab lawv tus kheej ntawm kev muaj mob. [Sab daim duab viv dis aus](#) kom pab koj tus me nyuam nkag siab txog cov khoom uas tus neeg ua hauj lwm yuav looj.



Leej twg them rau txoj kev ntsuas tus kab mob COVID-19?

Muaj ntawv them nqi kho mob: Txoj cai CARES Act txwv kom cov chaw pab them nqi kho mob nrog them rau cov nqi ntsuas tus kab mob COVID-19 kom tsis raug nqi dab tsi rau tus neeg mob. Qhov no muaj feem xyuam rau feem ntau ntawm cov chaw pab them nqi kho mob hauv Minnesota. Txoj cai CARES Act tsuas muaj feem xyuam rau kev ntsuas tus kab mob COVID-19 xwb thiab tsis yog them rau lwm cov kev mus cuag kho mob.

- Qee cov chaw pab them nqi kho mob yeej pom zoo them rau cov nqi kho mob uas muaj feem xyuam nrog txoj kev ntsuas tus kab mob COVID-19 hauv lub koom haum.
- **Nws tseem ceeb yuav tau nug koj lub chaw pab them nqi kho mob kom paub tseeb txog cov nuj nqis uas lawv kam them rau.**

Tsis muaj ntawv them nqi kho mob: Nom tswv muaj txoj kev pab them rau kev ntsuas tus kab mob COVID-19, tiam sis tsis them rau cov kev mus cuag kho mob.

Puas muaj lus nug?

Hu cuag koj lub lag luam pab them nqi kho mob, los sis Children's Minnesota ntawm PatientCostEstimates@ChildrensMN.org los sis hu rau 952-992-5627 kom tau kev pab nkag siab txog cov nqi ntawm ib qho txheej txheem los sis kev mus cuag kho mob.



COVID-19



Yuav zoo li cas rau hnuv yuav phais mob

- Ob tug niam txiv/neeg saib xyuas uas noj qab haus huv nrog tus me nyuam tuaj tau rau hnuv phais mob.
- Yog tias koj tau mus ntsuas tus kab mob COVID-19 ntawm lwm qhov chaw (tsis yog ntawm Children's Minnesota):
 - Koj yuav tsum luam tsab ntawv teev kev ntsuas pom dab tsi txog tus kab mob COVID-19 nyob rau ntawm lwm qhov chaw. Peb yuav tsis txais cov lus hais qhia txog cov kev ntsuas.
 - Hais kom lub chaw ntsuas kab mob xa cov kev ntsuas pom dab tsi hauv xov tooj mus rau lub chaw phais mob uas koj yuav mus phais nyob rau ua ntej koj mus txog (yog xa tau)
 - **St. Paul:** 651-220-7220;
 - **Minneapolis:** 612-813-7704
- **Yog tias koj mus so qhov ntswg ntsuas tus kab mob COVID-19 ntawm Children's Minnesota, peb yuav muaj cov ntaub ntawv ntsuas pom li cas hauv ntaub ntawv thaum koj tuaj phais mob.**
- Txheeb npe ntawm Chaw Txais Tos Txheeb Npe thaum koj tuaj txog ntawm [Children's Minnesota](#) rau hnuv phais mob.
- Txhua tus neeg hauv Children's Minnesota yuav tsum dhau txoj kev ntsuas txog kev noj qab nyob zoo, nrog rau kev ntsuas cev kub, kom txheeb txog cov kev mob tshwm sim.
- Txhua tus neeg muaj hnuv nyoog loj dua 2 xyoos yuav tsum looj lub khwb ntsej muag nyob rau hauv Children's Minnesota. Yog tias koj tsis muaj lub khwb ntsej muag, koj yuav tau ib lub thaum koj tuaj txheeb npe ntawm lub Chaw Txais Tos Txheeb Npe.

Puas muaj lus nug?

Yog muaj lus nug, thov hu rau peb tus Neeg Tu Xyuas Kab Mob COVID-19 Tus Xov Tooj kom tau kev pab dawb: 952-99-COVID (952-99-26843).